

開縣志

祥異

石言星隕載於史龍戰載鬼著於經國家治忽之兆往往於祥異徵之由來久矣彙而識焉亦修省者之考鑒也作祥異志第二十四

秦昭王時白虎為患

華陽國志

漢扶嘉母於湯溪側遇龍而生嘉

後漢書

漢順桓之世拔楮蠶數叛太守蜀郡趙溫恩信降服於是胸忍有連理之木

華陽國志

開縣志

卷廿四

祥異

咸熙元年胸忍獻靈龜於相府

華陽國志

周天復七年六月鳳凰見萬歲縣

新五代史

宋開寶二年開州民董遠妻一產三子

天禧元年開江縣民冉津家牛生三犢

紹興六年夔路成都皆旱夏蜀大饑斗米三千道

殪相望

隆興九年蜀潼利夔三州郡國十八皆饑流徙數

千人

紹興元年夔路五郡饑

以上見宋史

明崇禎十四年開縣雨血

乾隆四十四年開縣大飢

嘉慶元年日月盡霾不辨人物

道光三年縣民楊在信妻雷氏一產三男見存

咸豐三年縣境斑竹皆開花黃枯復生者少

江里馮氏女幼字人年十六將嫁矣道光三十年

陰處忽痛苦難忍未幾變爲男夫家不信驗之

確乃改娶他氏次年馮亦娶妻今已生子矣

道光三十年七月十三日縣西北九龍山大風有

開縣志

卷十四

祥異

二

牧童戴笠乘風直上四五丈欵欵向東南行五六里始墜無恙

雜事附紀

太平廣記章處厚之在開州也嘗有李潼崔冲二進士來謁留連月餘會有西川軍將某者能相術於席上言李潼三日內有虎厄處厚與諸客遊山寺自上方抵下方日已暮矣李先下崔後來大呼李云待冲來待冲來李聞崔聲謂虎至顛蹶下山趾絕復蘇數日方愈及軍將回謂李曰君厄解矣

商陽雜俎唐貞元時開州軍將冉從長輕財好施
州之儒生道者多依之有畫人甯采國爲竹林會
甚工坐客郭宣柳城二秀才每以氣相軋柳忽盼
圖謂主人曰此畫巧於體勢失於意趣今欲爲公
設薄技不施五色令其精彩殊勝如何冉驚曰不
假五色其理安在柳笑曰我當入彼畫中治之郭
撫掌曰君欲給三尺童子乎柳因邀其賭郭請以
五千抵負冉亦爲保柳乃騰身赴圖而滅坐客大
駭圖表於壁摸索不獲久之柳忽語曰郭子信來
數日竟他去

臨市東嶽廟帝像係銅鑄嘉慶二年燬於賊未至
前三日有紅袍而騎者自廟前馳馬過市大呼曰
賊至矣逃生者隨予馬所之遂馳馬渡河向大道
去人覘之忽不見後入城者免難避山寨者多遇
害廟籤甚靈居人以歲首卜年豐歉無不驗

黑天池在楊柳關西去十餘里乃開邑與新東接壤之地也山勢險峻絕頂處三峰鼎峙林木陰翳不見天日中有石井約四五尺寬清見底底有石縫出水浮旋黑蟲相傳有龍神在焉池上建有祠歲旱祈雨者執瓶覆井上禱畢水聲卽發如疾風怒濤汲取貯雨壇上卽雨傳有牟公者於山結廬神龍化爲人與牟公交邀牟去一路蒼藤古木蛇虎時見牟異之登山頂無路漸過黑林忽見一村庄階楹鮮潔留經日一小犬跳躍依人牟取之歸

開縣志

卷五

祥異

四

遂沒人庭中澗爲泉土人遂立牟公廟於其地至今祈雨屢驗

石稿

雷打石在乾溪溝開東接壤之地其石周圍數十丈許聳立峰頂昔有土人訟此石界開東兩縣令同勘亦不能決未幾天忽大兩雷劈石劃然中破裂縫尺餘中有天池爲界四字開東各半至今字

跡猶明

沈稿

九龍山雙峰寨下有古松一株大數圍形童童然如傘因名繳蓋松相傳爲宋元時物至今里人護

之

臨江市西南池邊觀音井其水冬溫夏涼烹茶甘
美嘉慶二十四年池上龜圻井水反溢中竭者少
飲立愈其下至今有塘在焉沈稱

